

BOSNA I HERCEGOVINA
FEDERACIJA BOSNE I HERCEGOVINE
OPĆINA LUKAVAC
OPĆINSKI NAČELNIK
SLUŽBA ZA INVESTICIJE I
POSLOVE MJESNIH ZAJEDNICA
Broj: 03-04-3158/20
Lukavac, 17.07.2020. godine

Na osnovu člana 64. stav (1). tačka a), člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14) te Preporuke Komisije za provođenje postupka javne nabavke broj: 03-04-3158/20 od 16.07.2020. godine u otvorenom postupku javne nabavke radova za rekonstrukciju i izgradnju puta i parkinga kod zgrade općine i postavljanje objekata na cesti radi smanjenja brzine kretanja vozila u gradu i pored osnovnih škola u općini Lukavac, Pomoćnik općinskog načelnika za Službu za investicije i poslove mjesnih zajednica d o n o s i

ODLUKU **o izboru najpovoljnijeg ponuđača**

Član 1.

Prihvata se preporuka Komisije za provođenje postupka javne nabavke broj: 03-04-3158/20 od 16.07.2020. godine, te se Ugovor za javnu nabavku radova za rekonstrukciju i izgradnju puta i parkinga kod zgrade općine i postavljanje objekata na cesti radi smanjenja brzine kretanja vozila u gradu i pored osnovnih škola u općini Lukavac dodjeljuje ponuđaču „ROADING“ d.o.o Gračanica, koji je dostavio ponudu broj: 070/20 od 07.07.2020. godine, za ponuđenu cijenu u vrijednosti od 90.822,90 KM bez PDV-a kao najpovoljnijem ponuđaču.

Član 2.

Ova odluka objavit će se na internet stranici ugovornog organa (www.lukavac.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 03-02-3155/20 od 15.06.2020. godine. Javna nabavka sprovedena je otvorenim postupkom nabavke. Procjenjena vrijednost javne nabavke bez PDV-a je 91.000,00 KM.

Obavještenje o nabavci broj: 719-1-3-31-3-56/20 objavljeno je na Portalu javnih nabavki dana 16.06.2020. godine.

Komisija za provođenje postupka nabavke imenovana Rješenjem broj: 02-04-19-22/20 od 22.06.2020. godine dostavila je Zapisnik o pregledu i ocjeni ponuda broj: 03-04-3158/20 od 16.07.2020. godine, Preporuku o izboru najpovoljnijeg ponuđača broj: 03-04-3158/20 od 16.07.2020. godine i Izvještaj o radu broj: 03-04-3158/20 od 16.07.2020. godine.

Uvidom u Izvještaj o radu utvrđeno je da je Komisija za provođenje postupka nabavke izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene dvije blagovremene ponude, a da neblagovremenih ponuda nije bilo;
- da je ponuda ponuđača "ROADING" d.o.o Gračanica kvalifikovana i prihvatljiva, naime dostavljeni su svi traženi dokazi propisani tenderskom dokumentacijom, na propisan način i
- da ponuda ponuđača „S.E-SARAJKA“ d.o.o Živinice nije kvalifikovana iz razloga što je isti u ponudi broj: S-820 od 06.07.2020. godine dostavio kopiju Rješenja o izmjenama podataka izdatu od strane Općinskog suda Tuzla broj: 032-0-Reg-19-0000642 od 06.05.2019. godine, koja je ovjerena od strane nadležnog tijela Grada Živinice. Na ovjeri navedenog Rješenja nije unesen datum ovjere, a što je u suprotnosti sa članom 10. Zakona o ovjeravanju potpisa, rukopisa i prepisa („Službeni list SRBiH“ broj: 37/71,39/1975 i 42/89) u kome je propisano da u potvrdi ovjere mora biti naznačen broj i datum ovjere prepisa i tačkom 13.1.4. tendrske dokumentacije. Daljom analizom ponude utvrđeno je da su u istoj kao dokaz da imaju minimalno 7 (sedam) kvalifikovanih radnika građevinske ili saobraćajne struke u stalnom radnom odnosu dostavili dokaze za 8 (osam) radnika, od kojih samo 5 (pet) ispunjava uslove postavljene tačkom 13.3.1.a)2) tenderske dokumentacije. Naime, u ponudi su za:
 - Munevera Modrića priložili ovjerenu kopiju svjedočanstva iz kojeg je utvrđeno da je isti završio obrazovanje za rukovaoca rudarske mehanizacije na površinskom kopu III stepen, struka rudarska i geološka,
 - Mešanović Edina priložili ovjerenu kopiju diplome o završenoj školi iz koje je utvrđeno da je isti završio mašinsku tehničku školu i stekao stručno zvanje mašinski tehničar i
 - Pašanović Ekrema priložili ovjerenu kopiju diplome o završenoj školi iz koje je utvrđeno da je isti stekao zvanje rukovaca rudarske mehanizacije na površinskom kopu, III stepen, odsjek rudarski. Dakle isti ne ispunjavaju uslove postavljene tačkom 13.3.1.a)2) tenderske dokumentacije tj. nije priložio dokaz da ima 7 (sedam) kvalifikovanih radnika građevinske ili saobraćajne struke.

U postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Uvidom u tendersku dokumentaciju utvrđeno je da procijenjena vrijednost nabavke bez uključenog PDV-a iznosi 91.000,00 KM bez PDV-a i da je kriterij za dodjelu ugovora ekonomski najpovoljnija ponuda u skladu sa sljedećim potkriterijima:

- a) Cijena 98 %
 b) Rok plaćanja 2 %

Ponuđač „ROADING“ d.o.o Gračanica“ dostavio je prihvatljivu ponudu sa cijenom u iznosu od 90.822,90 KM bez PDV-a i rokom plaćanja 60 (šezdeset) dana od dana prijema fakture, te je primjenom kriterija ekonomski najpovoljnije ponude isti osvojio 100,00 bodova.

Zbog naprijed navedenog odlučeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se podnosi putem ugovornog organa, u pisanoj formi direktno ili preporučenom poštanskom pošiljkom na adresu: Općina Lukavac-Služba za investicije i poslove mjesnih zajednica, Trg Slobode 1, 75300 Lukavac, a izjavljuje se Uredu za razmatranje žalbi u Mostaru. Žalba se podnosi u najmanje 3 (tri) primjerka.

Dostaviti:

1. „S.E-SARAJKA“ d.o.o Živinice
2. „ROADING“ d.o.o. Gračanica
3. Arhivi.-

